

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Večer bosanske tradicijske muzike u Sarajevu ansambla Etnoakademik

Centar za kulturno naslijeđe Međunarodnog foruma Bosna, u okviru programa Dani općine Stari Grad Sarajevo, organizirat će Četvrtu međunarodnu konferenciju *Sarajevo i svijet*. Dio tog multidisciplinarnog programa je i *Večer bosanske tradicijske muzike u Sarajevu* ansambla *Etnoakademik*. Taj koncert će biti održan 4. maja (petak) 2018. godine, s početkom u 19:00 sati, u Velikoj sali Općine Stari Grad Sarajevo.

Ansambl *Etnoakademik* osnovali su profesori i studenti Muzičke akademije Univerziteta u Sarajevu. Cilj mu je u muzikološki i etnomuzikološki održivim okvirima istraživati i predstavljati sadržaje bosanskog muzičkog naslijeđa u svoj njegovoj pluralnosti. Program *Večer bosanske tradicijske muzike u Sarajevu* uključuje izvedbe sevdalinke *a capella* uz pratnju saza i hramonike, sefardske romanse uz gitaru, polifone napjeve na bas, svatovac i gange te svirke na bubnjevima i zurnama.

Koncert ansambla *Etnoakademik* otvoren je za širu javnost.

Tarik Čengić
Voditelj programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Javna rasprava *Izazovi političke, kulturne i ekonomske budućnosti Sarajeva*

Centar za stratejske studije Međunarodnog foruma Bosna, u okviru programa Dani općine Stari Grad Sarajevo, organizirat će Četvrtu međunarodnu konferenciju *Sarajevo i svijet*. Dio tog multidisciplinarnog programa je i javna rasprava *Izazovi političke, kulturne i ekonomske budućnosti Sarajeva*. Rasprava će biti održana 8. maja (utorak) 2018. godine, s početkom u 19:00 sati, u Velikoj sali Općine Stari Grad Sarajevo

Cilj javne rasprave je preispitati stanje bosanskohercegovačke politike, kulture i ekonomije te ukazati na najvažnije sadržaje nužnih transformacija u tim područjima. U raspravi će sudjelovati Mile Babić, Fikret Čaušević, Rusmir Mahmutćehajić, Žarko Papić i Esad Zgodić.

Mile Babić je istraživač u područjima klasične i suvremen teologije te bosanske religijske pluralnosti.

Fikret Čaušević je istraživač u područjima ekonomske politike, finansijskih tokova, društvenog razvoja i tranzicijskih procesa.

Rusmir Mahmutćehajić je istraživač u više područja, među kojima su politička filozofija, filozofija religije, teorija drugosti.

Žarko Papić je istraživač u područjima socijalnih politika, ekonomskog razvoja, ljudskih prava i odnosa među državama Jugoistočne Evrope.

Esad Zgodić je univerzitetski profesor s priznatim djelom u područjima političke filozofije, političke historije i teorije pluralnih društava.

Moderatorica javne rasprave je Nermina Jusić, koordinatorica razvojnih programa Međunarodnog foruma Bosna.

Rasprava je otvorena za širu javnost.

Tarik Čengić
Voditelj programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Izložba Umjetnost bosanske musandere

Centar za kulturno naslijeđe Međunarodnog forum Bosna, u okviru programa Dani općine Stari Grad Sarajevo, organizirat će izložbu *Umjetnost bosanske musandere*. Izložba će biti otvorena 10. maja (četvrtak) 2018. godine, s početkom u 18:00 sati, u Umjetničkoj galeriji Bosne i Hercegovine (ul. Zelenih beretki br. 8).

Musandera je dio bosanske tradicijske kuće. Njenim mjestom, ulogom i značenjima u bosanskoj tradicijskoj kući odraženi su sadržaji bosanske kulture u njenom milenijskom trajanju. Na ovoj izložbi bit će predstavljeni crteži i fotografije musandera koje su sačuvane i musandere o kojima postoji dokumentacija.

O umjetnosti bosanske musandere govorit će Amra Hadžimuhamedović, profesorica Internacionalnog univerziteta u Sarajevu i autorica izložbe. Profesorica Amra Hadžimuhamedović će i otvoriti izložbu.

Izložba je otvorena za širu javnost i trajat će od 10. do 17. maja 2018. godine

Tarik Čengić
Voditelj programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Javna rasprava *Arhitektura bosanske kuće*

Centar za kulturno naslijeđe Međunarodnog foruma Bosna, u okviru programa Dani općine Stari Grad Sarajevo, organizirat će Četvrtu međunarodnu konferenciju *Sarajevo i svijet*. Dio tog multidisciplinarnog programa je i javna rasprava *Arhitektura bosanske kuće*. Rasprava će biti organizirana 10. maja (četvrtak), 2018. godine, s početkom u 19:00 sati, u Velikoj sali Općine Stari Grad Sarajevo.

Bosanska kultura je obuhvatna i uključiva. Nije je moguće svesti ni na jednu od njenih brojnih sadržaja, a da to ne znači i nasilje nad tim složenim formama. Bosanska kuća je bitan sadržaj te kulture. U dosadašnjim istraživanjima arhitekture bosanske kuće uglavnom je zanemarivana složenost njenih sadržaja neuključivih u ideologijske redukcije.

Ovom će raspravom organizatori ukazati na nužnost otvaranja drukčijih antropoloških i kulturoloških pristupa fenomenu arhitekture bosanske kuće. U raspravi će sudjelovati Rusmir Džedović, Medina Hadžihasanović Katana, Amra Hadžimuhamedović, Maida Halilović i Tijana Veljković.

Rusmir Džedović je historičar, istraživač bosanskog kulturnog naslijeđa. Rezultate o višegodišnjim istraživanjima objavio je u nizu svojih radova.

Medina Hadžihasanović Katana je arhitektica, istraživačica bosanskog arhitektonskog naslijeđa kao dijela bosanske kulture.

Amra Hadžimuhamedović je arhitektica, istraživačica bosanskog kulturnog naslijeđa i priznati stručnjak za to područje.

Maida Halilović je arhitektica. U svojim dosadašnjim istraživanjima bavila se pitanjima arhitekture kuće u bosanskom vernakularnom naslijeđu i mogućnostima njenih savremenih transformacija i korištenja.

Tijana Veljković je arhitektica. Istraživala je vernakularno i industrijsko naslijeđe tuzlanskog kraja, a naročito arhitekturu kuće u sjeveroistočnoj Bosni.

Raspravu će moderirati Nerin Dizdar.

Rasprava je otvorena za javnost.

Tarik Čengić
Voditelj programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Četvrti naučni skup *Sarajevo i svijet*

Međunarodni forum Bosna, u okviru programa Dani općine Stari Grad Sarajevo, organizirat će Četvrtu međunarodnu konferenciju *Sarajevo i svijet*. Dio tog multidisciplinarnog programa je i Četvrti naučni skup *Sarajevo i svijet* koji će biti održan 12. maja (petak) 2018. godine, od 09:30 do 18:00 sati, u Velikoj sali Općine Stari Grad Sarajevo.

Četvrti naučni skup *Sarajevo i svijet* bit će organiziran oko tri raspravna stola:

1. Bosanska tradicijska muzika i njena savremena tumačenja;
Uvodni govornici
2. Stanje i budućnost sakralnog prostora u dolini Miljacke od Mevlevijske tekije na Bentabši do Kozije ćuprije;
Uvodni govornici: Amra Hadžimuhamedović, Merima Tica
3. Najteža i najvažnija pitanja anticipacije budućnosti Sarajeva;
Uvodni govornici: Anto Domazet, Rasim Gačanović, Kadrija Hodžić

Rasprava je otvorena za širu javnost.

Tarik Čengić
Voditelj programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

**Javna rasprava *Političko mišljenje o Bosni*
*Uz knjigu Senadina Lavića “Zaborav razlike”***

Centar za strategijske studije Međunarodnog foruma Bosna, u okviru programa Dani općine Stari Grad Sarajevo, organizirat će Četvrtu međunarodnu konferenciju *Sarajevo i svijet*. Dio tog multidisciplinarnog programa je i javna rasprava *Političko mišljenje o Bosni: Uz knjigu Senadina Lavića “Zaborav razlike”*. Javna rasprava će biti organizirana 14. maja (ponedjeljak) 2018. godine, s početkom u 19:00 sati, u Velikoj sali Općine Stari Grad Sarajevo.

Senadin Lavić u knjizi *Zaborav razlike* (Sarajevo: Dobra knjiga, 2018) ocrtava obuhvatnu sociološku, filozofsku i kulturološku panoramu svijeta u kojoj na različite načine problematizira bosansko pitanje. Time autor nudi epistemološku osnovu za priznanje nepostojećih politoloških uvida u tragediju Bosne i njenih ljudi, a tako i uvećanje zbunjenosti kao pretpostavke osvješćenja ontotopologije istraživanog pitanja. U tom kaleidoskopskome krugu različitih viđenja Senadin Lavić ističe nepovredivost razlike kao temelj neupitnog dostojanstva pojedinca, neponovljive sume sveg stvaranja, ali ipak zaboravljene i posljedično porečene u vladajućim ideologijskim tiranijama.

O knjizi i s njome povezanim pitanjima političkog mišljenja o Bosni govorit će Zlatan Delić, Rusmir Mahmutćehajić, Desmond Maurer, Asim Mujkić i autor.

Zlatan Delić je univerzitetski profesor. Područja njegovih akademskih zanimanja su sociologija i filozofija.

Desmond Maurer je predsjednik Centra za proučavanje historije Međunarodnog foruma Bosna. Njegovo uže akademsko područje je savremena historija.

Rusmir Mahmutćehajić je univerzitetski profesor. Područja njegovih istraživačkih zanimanja obuhvataju filozofiju religije, političku filozofiju i teoriju teksta.

Asim Mujkić je univerzitetski profesor. Istraživač je u području filozofije i političke filozofije.

Raspravu će moderirati Tarik Čengić.

Nermina Ahatović Jusić
Voditeljica programa

Saopćenje za javnost

Četvrta međunarodna konferencija
SARAJEVO I SVIJET
od 4. do 15. maja 2018. godine

Javna rasprava *Sarajevo i bosansko poduzetništvo*

Centar za tehnologije i ekonomski razvoj Međunarodnog foruma Bosna, u okviru programa Dani općine Stari Grad Sarajevo i Četvrte međunarodne konferencije *Sarajevo i svijet*, organizirat će javnu raspravu *Sarajevo i bosansko poduzetništvo*. Rasprava bit će održana 15. maja (utorak) 2018. godine, s početkom u 19:00 sati, u Velikoj sali Općine Stari Grad Sarajevo.

Sarajevo je i faktičko i simboličko središte svega bosanskohercegovačkog. Ali i faktičnost i simboličnost tog izobličena je u vladajućim mentalitetima i političkim suprotstavljenostima. Za svakog bosanskohercegovačkog čovjeka, zabrinutog za budućnost, važno je pitanje: Kako osvijestiti i operacionalizirati ulogu Sarajeva u artikuliranju vizije bosanskohercegovačke političke, kulturne i ekonomske budućnosti. O tome pitanju raspravljat će sudionici s neosporivim životnim iskustvima u bosanskoj cjelovitosti i njenim zapriječenostima: Jusuf Arifagić (Kozarac), Sead Džafić (Kalesija), Rusmir Mahmutćehajić (Sarajevo), Anto Marković (Srebrenik).

Jusuf Arifagić je poduzetnik i uvjerljivi vizionar poželjne bosanske budućnosti. Znanja i sredstva stečena u Norveškoj uložio je u farmu crvenih norveških krava, izgrađenu u skladu s vrhunskim tehnološkim zahtjevima i s perspektivom ubrzanog razvoja. Svojim pothvatom dokazuje mogućnost transfera znanja i tehnologije u Bosnu i njihovog razvoja u skladu s najstrožijim svjetskim kriterijima.

Sead Džafić je uspješan poduzetnik u metaloprerađivačkoj industriji i načelnik Općine Kalesija. Svojim poduzetničkim radom uključen je u glavne tokove tehnološkog razvoja. Uz to, zagovornik je rekonstrukcije sadašnjih odnosa politike i ekonomskog razvoja.

Rusmir Mahmutćehajić je univerzitetski profesor, istraživač i pisac o složenim pitanjima pluralnih društava. Zagovornik je novih tumačenja bosanske religijske pluralnosti kao komparativne prednosti u nastojanjima za bolju budućnost svijeta.

Anto Marković je poduzetnik i zastupnik u Općinskom vijeću Srebrenika. Poduzetnička iskustva stekao je u brojnim projektima u Bosni i Sloveniji. Zagovornik je novih političkih, kulturnih i ekonomskih otvaranja u bosanskohercegovačkom društvu i državi.

Raspravu će moderirati Kadrija Hodžić, univerzitetski profesor i stručnjak za pitanja ekonomskog razvoja i društvene tranzicije.

Rasprava je otvorena za širu javnost

Tarik Čengić
Voditelj programa